

Lanean dagoen biztanle kopurua %0,3 igo da eta langabezia tasa %10,9koa izan da 2011ko bigarren hiruhilekoan, Euskal AEn

3.200 landun gehiago izan da

Eustaten datuen arabera, 2011ko bigarren hiruhilekoan Euskal AEko lan-merkatuan 943.200 landun izan dira; hau da, aurreko hiruhilekoaren aldean 3.200 landun gehiago izan da –hiru hamarren gehiago-. Bestalde, Euskal AEko langabezia tasa %10,9 izan da, 2011ko lehenengo hiruhilekoaren aldean ehuneko 0,2 puntu handiagoa.

Landunen eta langabetuen bilakaera aztertuta, aktibotasun tasa %56,6 izan da urte honetako bigarren hiruhilekoan, hots, aurreko hiruhilekoan baino ehuneko 0,3 puntu handiagoa.

Okupazioaren gehikuntzak batez ere emakumeengan izan du eragina: aurreko hiruhilekoan baino 2.200 emakume eta 1.000 gizon gehiago egon dira lanean. Araban izan da landun kopuruaren gehikuntzarik handiena, 4.200 enplegu garbi gehiago; gero Gipuzkoan, 1.300 landun gehiago. Azkenik, Bizkaian 2.300 enplegu garbi gutxiago izan da.

Zerbitzuen sektorean eta eraikuntzan lanpostuak berreskuratu dira, baina nekazaritza eta industria sektoreetan lanpostuak galdu dira

Zerbitzuen sektorean 4.600 enplegu garbi gehiago izan da, eta eraikuntzan 1.400. Alabaina, industrian 1.600 enplegu gutxiago izan da eta nekazaritzan 1.300 gutxiago.


Enplegu tasa (hau da, 16 eta 64 urte arteko pertsona guztiak kontuan hartuta landunak direnen ehunekoa) %64,9 izan da, aurreko hiruhilekoan baino ehuneko 0,3 puntu altuagoa alegia. Gizonezkoen kasuan tasa hori %70,2 izan da eta emakumezkoen kasuan %59,5.

Lurralde historikoetan, enplegu tasarik altuena Gipuzkoan eman da (%68,1), aurreko hiruhilekoaren aldean 0,4 puntu altuagoa; gero bigarren tasarik altuena Arabak izan du (%66,1), ehuneko 1,6 puntu altuagoa; eta azkenik Bizkaiak tasarik txikiena izan du (%62,6), azken hiruhilekoan bi hamarren txikiagoa.

Lan-kontratu mugagabeko 12.500 soldatapeko gutxiago izan da, horrela guztira 602.600 izan dira; aldi baterako kontratua duten soldatapekoak (kontraturik ez dutenak barne) 18.700 gehiago izan dira, beraz, guztira 181.100 izan dira.

Zenbatespenen arabera, 2011ko bigarren hiruhilekoan gutxi gorabehera Euskal AEko 847.200 etxetan bizi diren pertsonen ia herenak ez dira aktiboak izan (aurreko hiruhilekoan baino 900 gehiago). Hamar familiatik ia seitan etxeko pertsona aktibo denek izan dute lana, datu horren arabera aurreko hiruhilekoan baino 3.400 familia gutxiagotan gertatu da hori; gainera, pertsona aktibo denak langabezian dituzten 35.800 familia izan dira (guztirakoaren %4,2).

Biztanleria okupatuaren joera, 1985etik. Euskal AE. (Milakotan)



Iturria: Eustat. Biztanleria Jardueraren Arabera (BJA)

Langabezia tasa % 10,7tik % 10,9ra igo da

Urteko bigarren hiruhileko honetan, Euskal AEko langabetu kopurua 114.900 izan dela zenbatetsi da, aurreko hiruhilekoan baino 1.800 gehiago. Lan bila ari diren, lana bilatzeko kudeaketa aktiboak egiten dituzten eta lanerako prest dauden pertsonak jotzen dira langabetutzat. Bigarren hiruhilekoan, gizonezkoen artean 60.400 langabetu egon dira, hau da, 4.400 gutxiago; eta emakumezkoen artean 6.200 langabetu gehiago egon da (gutxira 54.500).

2011ko bigarren hiruhilekoko datuen arabera aldi horretako langabezia tasa %10,9 izan da, aurreko hiruhilekoan baino 0,2 puntu handiagoa. Gizonezkoen langabezia tasa %10,5era jaitsi da (ehuneko 0,7 puntu gutxiago) eta emakumezkoena 11,3ra igo da (%1,1 puntu gehiago). Gazteen langabezia tasa da oraindik altuena (%23,7); aldi honetan, 16-24 urte bitarteko 12.600 gazte aktibo langabezian geratu dira.

Lurralde historikoka, Bizkaian langabetu kopuruak gora egin du (+6.700 pertsona) aurreko hiruhilekoaren aldean, eta langabezia tasa %13,3 izan da. Gipuzkoan 28.600 langabetu izan dira; beraz, lurralde honetan 1.200 pertsona gutxiago egon da langabezian, tasa hori %8,4an utziz. Araban 3.700 langabetu gutxiago egon da eta langabezia tasa %7,4koa izan da.

EUROSTATen arabera (Europar Batasuneko Estatistika Bulegoa), 2011ko maiatzean 27 kideko Europar Batasunean langabezia tasa %9,3 izan da eta Espainian %20,9.

Azken urtean 19.900 langabetu gehiago izan da Euskal AEn

Euskal AEko landun kopurua 2010eko bigarren hiruhilekoaren aldean 7.800 pertsona gutxiagokoa izan da -0,4 puntu-. Beherapen hori gizonezkoen artean izan da nagusi, 9.600 enplegu gutxiagorekin; emakume landunen artean 1.800 gehiago izan dira.

Langabezia tasa ehuneko 1,8 puntu gehitu da azken urtean (%9,1etik %10,9ra); beraz, 19.900 langabetu gehiago egon da Euskal AEn, 2010eko bigarren hiruhilekoko datuekin alderatuta. Lurraldeka, Bizkaian ehuneko 3,2 puntu gehitu da langabezia tasa eta Gipuzkoan 0,9 hamarren; Araban, aldiz, langabezia tasa 2010eko hiruhileko berekoa baino 1,5 puntu txikiagoa izan da.

BIZTANLERIA JARDUERAREN ARABERA SAILKATZEKO INKESTA (BJA)

	2011eko 2. hiruhilekoa		Aldakuntza aurreko hiruhilekoaren aldean		Aldakuntza aurreko urteko hiruhileko beraren aldean	
	Milakoak	%	Milakoak	e.p.*	Milakoak	e.p.*
16 URTE ETA GEHIAGOKO BIZTANLERIA	1.870,9		+0,6		+5,6	
AKTIBOAK / IHARDUERA TASA	1058,1	56,6	+5,1	+0,3	+12,1	+0,5
Gizonak	576,7	63,4	-3,4	-0,5	-4,3	-0,7
Emakumeak	481,3	50,0	+8,4	+0,9	+16,3	+1,5
BIZTANLERIA LANDUNA / ENPLEGU-TASA	943,2	64,9	+3,2	+0,3	-7,8	-0,4
Gizonak	516,3	70,2	+1,0	+0,0	-9,6	-1,3
Emakumeak	426,9	59,5	+2,2	+0,6	+1,8	+0,5
Araba/Álava	145,4	66,1	+4,2	+1,6	+0,4	+0,1
Bizkaia	486,8	62,6	-2,3	-0,2	-8,8	-1,1
Gipuzkoa	311,0	68,1	+1,3	+0,4	+0,6	+0,3
Nekazaritza	7,5		-1,3		-0,3	
Industria	226,2		-1,6		+0,7	
Eraikuntza	69,0		+1,4		-4,3	
Zerbitzuak	640,4		+4,6		-4,0	
Soldatakoak	783,8		+6,3		-3,6	
- Kontratu mugagabea dutenak	602,6		-12,5		-7,8	
- Aldi baterako kontratuarekin eta kontraturik gabe	181,1		+18,7		+4,1	
Ez soldatakoak	159,4		-3,1		-4,2	
LANGABEAK / LANGABEZI-TASAK	114,9	10,9	+1,8	+0,2	+19,9	+1,8
Gizonak	60,4	10,5	-4,4	-0,7	+5,3	+1,0
Emakumeak	54,5	11,3	+6,2	+1,1	+14,6	+2,7
16 - 24	12,6	23,7	-1,8	-2,6	-1,7	-1,3
25 - 44	70,3	12,0	+1,8	+0,3	+15,9	+2,8
45 eta gehiago	32,0	7,7	+1,9	+0,4	+5,7	+1,1
Araba/Álava	11,7	7,4	-3,7	-2,4	-2,5	-1,5
Bizkaia	74,6	13,3	+6,7	+1,1	+18,8	+3,2
Gipuzkoa	28,6	8,4	-1,2	-0,4	+3,6	+0,9
EZ-AKTIBOAK						
EZ-AKTIBOTASUN TASA	812,8	43,4	-4,5	-0,3	-6,5	-0,5
ETXEBIZITZAK	847,2		+0,9		+11,3	
Aktibo 1 edo gehiagoko etxebizitzak	574,1	67,8	+0,6		-0,8	
- Guztiak okupatuak	480,7	56,7	-3,4		-13,6	
- Guztiak langabeak	35,8	4,2	+2,7		+7,8	
Aktiborik gabeko etxebizitzak	273,1	32,2	+0,3		+12,2	

*e.p. = Aldea, ehunekotan

Iturria: Eustat. Biztanleria Jardueraren Arabera (BJA)

Argibide gehiago:

[Euskal Estatistika Erakundea / Instituto Vasco de Estadística](#)

Donostia-San Sebastián, 1 01010 Vitoria-Gasteiz

Tel.: +34-945-01 75 00 Faxe: +34-945-01 75 01 Helb. elek.: eustat@eustat.es

Harremanetan jartzeko pertsona: Pilar Martínez Rollón

Tel.: +34-945-01 75 31 Faxe: +34-945-01 75 01

(BJA) Biztanleria jardueraren arabera sailkatze inkestari buruzko prentsa-ohar gehiago

(BJA) Biztanleria jardueraren arabera sailkatze inkestari buruzko datu-bankua